



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Instrucción 1/2021 sobre a recomendación do traballo a distancia das/dos empregadas/os públicas/os do Concello de Bergondo

A presente Instrucción dítase ao abeiro do disposto no artigo 6 da Lei 40/2015, do 1 de outubro, do réxime xurídico do sector público.

1. Antecedentes

O día 13 de marzo, a Xunta de Galicia, publicaba no DOG núm. 50 bis), a *Resolución do 13 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, do 13 de marzo de 2020, polo que se declara a situación de emerxencia sanitaria no territorio da Comunidade Autónoma de Galicia e se activa o Plan territorial de emerxencias de Galicia (Platerga) no seu nivel IG (emerxencia de interese galego), como consecuencia da evolución da epidemia do coronavirus COVID-19.*

Ao día seguinte, o Real Decreto 463/2020, do 14 de marzo, publicado no BOE núm. 67 da mesma data do Goberno do Estado, declarou o estado de alarma e a Xunta de Galicia, as Resolucións ditadas o 15 de marzo de 2020, publicadas no DOG núm.51 da mesma data, o Concello de Bergondo, xa comunicou aos seus empregados que o luns 16 de marzo, non acudisen aos seus postos de traballo, agás os responsables dos servizos e os requiridos pola alcaldía ou concellería delegada correspondente.

O luns 16 de marzo, ditouse a Instrucción núm. 3/2020, na que, coa finalidade de preservar a saúde dos seus traballadores/as e colaborar cos organismos oficiais, traslada aos seus empregados/as o seguimento das recomendacións de hixiene marcadas nas citadas Resolucións, nas indicadas na Instrucción 2/2020 e as publicadas nas últimas horas e con respecto ao traballo, favoreceráse o teletraballo ou traballo dende os domicilios e a flexibilización horaria, como se indicara na anterior Instrucción 2/2020 e nas comunicacións dirixidas a todos os/as empregados/as públicos municipais a través de wasap.

Resolveuse tamén que as oficinas do Concello de Bergondo permanecerían pechadas ao público, en tanto durase o Estado de Alarma decretado polo Goberno do Estado ou as súas prórrogas. E que a atención ao público canalizárase de 9:00 a 14:00 horas, de xeito telefónico no teléfono 981791252, e de xeito telemático, a través da Sede electrónica municipal, as 24 horas ao día todos os días da semana, tal e como se ten indicado na publicación deste Concello na web municipal www.bergondo.gal

O Consello de Ministros na súa reunión de 28 de abril de 2020, aprobou o Plan para a desescalada das medidas extraordinarias adoptadas para facer fronte á pandemia do COVID-19.

O citado Plan aprobado polo Goberno do Estado estableceu o levantamento das medidas de contención de modo gradual, asimétrico, coordinado coas comunidades autónomas e adaptable aos cambios de orientación necesarios en función da evolución dos datos epidemiolóxicos e do impacto das medidas adoptadas.

O seu obxectivo fundamental era conseguir que, mantendo como referencia fundamental a protección da saúde pública, recupérese paulatinamente a vida cotiá e a actividade económica, minimizando o risco que representa a

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe. (artigo 42.b da Lei 40/2015, do 1 de outubro, do réxime xurídico do sector público)

epidemia para a saúde da poboación e evitando que as capacidades do Sistema Nacional de Saúde poidanse desbordar. O Plan establece unha fase cero ou preliminar e tres fases de desescalada diferenciadas en función das actividades permitidas en cada unha delas, polas que poderán transitar os diferentes territorios en función de diversos parámetros, criterios e indicadores nel contemplados, ata chegar á Fase III, na que se poñerá fin ás medidas de contención, pero manterase a vixilancia epidemiolóxica, a capacidade reforzada do sistema sanitario e as medidas de autoprotección da cidadanía. A Comunidade Autónoma de Galicia pasou á Fase II o luns 25 de maio.

O Concello de Bergondo, consciente da importancia dos obxectivos fixados polo citado Plan de desescalada, encargou á empresa competente na materia TAPREGA PREVENCIÓN DE RIESGOS SL, a elaboración dun **Plan de Continxencia**, negociado cos representantes dos traballadores, que recolle o establecemento das pautas de actuación que permitan a continuidade da prestación dos servizos garantindo a seguridade e saúde do persoal fronte á exposición ao COVID-19. Ditas pautas inclúen as medidas preventivas a adoptar durante a realización de desprazamentos, medidas de hixiene persoal, así como medidas organizativas no caso de presenza física en oficinas e/ou traballos no exterior en contacto con cidadáns ou outros compañeiros. O desenvolvemento do citado Plan supuxo, entre outros aspectos, acometer obras de acondicionamento nos edificios municipais nos que se desenvolve o traballo polos/as empregados/as municipais.

Tamén, avanzando no proceso preventivo descrito e programando axeitadamente os seguintes pasos a seguir, ditouse a Instrución núm. 4/2020, na que se establecía un protocolo de actuación para marcar a reincorporación gradual dos e das empregados/as públicos/as ao traballo presencial, establecendo para o efecto todas as medidas preventivas necesarias para evitar ou minimizar o risco de contaxio, sendo o seu obxectivo fundamental, retornar á actividade seguindo estritamente as recomendacións das autoridades sanitarias e tras aplicar as medidas que se teñan definido no correspondente plan, sobre a premisa de que en ningún caso se procedería a recuperar a actividade senon se cumprían ámbolos dous criterios.

O prazo de tres meses dende a finalización do Estado de alarma, sinalado no Real decreto-lei 15/2020, de 21 de abril, de medidas urxentes complementarias para apoiar á economía e o emprego, que no seu artigo 15, prorrogou a vixencia do establecido nos artigos 5 e 6 do Real Decreto Lei 8/2020, de 17 de marzo, estabelcendo que *“De acordo co previsto no segundo parágrafo da disposición final décima, da Real Decreto-lei 8/2020, do 17 de marzo, prorrógase o establecido nos artigos 5 e 6 da devandita norma. O contido destes artigos manterase vixente durante os dous meses posteriores ao cumprimento da vixencia prevista no parágrafo primeiro da disposición final décima da Real Decreto-lei 8/2020, do 17 de marzo, modificado pola Disposición Final 1.17 da Real Decreto-lei 11/2020, do 31 de marzo...”*, rematou o pasado 21 de setembro de 2020.

Pola Instrución núm. 5/2020, desta alcaldía acordouse a continuación da situación laboral actual dos/as empregados/as públicos municipais ata o 30 de setembro de 2020, e pola núm. 5bis/2020, prorrogouse ata o 4 de outubro de 2020.

Pol Instrución núm. 6/2020, estableceronse as liñas que marcaron a situación laboral a partir do 5 de outubro de 2020, e en tanto durase a situación de emerxencia sanitaria no territorio da Comunidade Autónoma de Galicia declarada pola Resolución do 13 de marzo de 2020 da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, do 13 de marzo de 2020, publicada no DOG núm. 50.bis) do 13.03.2020.

A citada Resolución, como ben recolle no seu punto primeiro, permite a reorganización funcional dos servizos administrativos en tanto esteamos nesta situación.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Con data 25 de outubro de 2020, ditouse o Real Decreto 926/2020, polo que o Goberno do Estado declara o estado de alarma para conter a propagación de infeccións causadas polo SARSCoV-2, publicado no BOE do día 26, ata o 9 de novembro de 2020.

O 29 de outubro de 2020, o Congreso dos Deputados autorizou a prórroga do estado de alarma ata o 9 de maio de 2021. Conforme o artigo 2 do Real decreto 956/2020, do 3 de novembro, polo que se prorroga o estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2, a prórroga establecida no devandito real decreto estenderase desde as 00.00 horas do día 9 de novembro de 2020 ata as 00.00 horas do día 9 de maio de 2021, e someterase ás condicións establecidas no Real decreto 926/2020, do 25 de outubro, e nos decretos que, se é o caso, se adopten en uso da habilitación conferida pola disposición derradeira primeira do citado Real decreto 926/2020, do 25 de outubro, sen prexuízo do establecido nas disposicións que recolle o propio real decreto de prórroga. En consecuencia, durante a vixencia do estado de alarma e da súa prórroga, as medidas previstas no Real decreto 926/2020, do 25 de outubro, deberán adoptarse na condición de autoridade competente delegada, nos termos previstos no dito real decreto e no real decreto de prórroga

Conforme o artigo 2 do dito real decreto, para os efectos do estado de alarma, a autoridade competente será o Goberno da Nación. En cada comunidade autónoma e cidade con estatuto de autonomía, a autoridade competente delegada será quen desempeñe a presidencia da comunidade autónoma ou cidade con estatuto de autonomía, nos termos establecidos no real decreto. As autoridades competentes delegadas quedan habilitadas para ditaren, por delegación do Goberno da Nación, as ordes, resolucións e disposicións para a aplicación do previsto nos artigos 5 ao 11 do real decreto, sen que para iso sexa preciso tramitar ningún procedemento administrativo, nin será de aplicación o previsto no segundo parágrafo do artigo 8.6 e no artigo 10.8 da Lei 29/1998, do 13 de xullo, reguladora da xurisdición contencioso-administrativa.

En concreto, o artigo 6 do Real decreto 926/2020, do 25 de outubro, prevé que a autoridade competente delegada que corresponda poderá limitar a entrada e saída de persoas no territorio de cada comunidade autónoma ou en ámbitos territoriais de carácter xeograficamente inferiores á comunidade autónoma, coas excepcións previstas no artigo 6.1.

No día de onte, a Presidencia da Xunta de Galicia ditou o Decreto 8/2021, do 26 de xaneiro, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do disposto polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2, cuxo artigo primeiro establece con carácter xeral que **quedan restrinxidas a entrada e a saída de persoas do ámbito territorial de cada un dos concellos da Comunidade Autónoma de Galicia considerados individualmente**, coas excepcións tasadas no mesmo, e indicando que a eficacia das medidas previstas no decreto comezará ás 00.00 horas do día 27 de xaneiro de 2021 e terminará ás 00.00 horas do día 17 de febreiro de 2021.

Tamén se publica no día de onte a Orde da Consellería de Sanidade, do 26 de xaneiro de 2021 pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia, que regula polo miúdo as restricións ás que queda sometida todo o territorio galego.

2. Ámbito de aplicación.

As previsións contidas na presente Instrucción resultarán de aplicación a todo o persoal empregado público en todos os sectores administrativos e funcionais do Concello de Bergondo, co obxecto de regular e avanzar na reincorporación gradual dos e das empregados/as públicos/as ao traballo presencial.

3. Fomento do traballo a distancia

- Mentres duren as medidas sinaladas no Decreto 8/2021, do 26 de xaneiro, foméntase entre o persoal municipal o traballo a distancia, segundo a definición establecida na Instrucción desta alcaldía núm 6/2020, sempre que sexa compatible coa natureza do posto de traballo, garantindo a óptima prestación dos servizos públicos e asegurando o cumprimento das necesidades do servizo.

Esto supón que os empregados municipais poderán incrementar os días de traballo a distancia que están a desenvolver agora en aplicación da Instrucción núm. 6/2020, prestando o traballo presencial un ou dous días á semana, en función das necesidades do servizo.

- As notas definidoras do traballo a distancia serán a voluntariedade do/a empregado/a público/a e do concello e o seu carácter reversible para o/a empregado/a público/a e o concello.

- O traballo a distancia só poderá solicitarse e concederse no caso de dispoñer o/a empregado/a público/a de medios para súa prestación dende o seu domicilio.

- O traballo presencial realizarase polo/a empregado/a público/a no seu horario habitual de xornada de inverno que viña facendo e do que ten xa coñecemento esta alcaldía. No caso de querer varialo, deberá comunicalo por escrito a esta alcaldía, debendo cumprir sempre a xornada de traballo segundo se regula no Convenio Colectivo e Acordo regulador das condicións de traballo do Concello de Bergondo, coas particularidades que se regulan por medio desta Instrucción.

- Os postos de traballo dos servizos municipais que non poderán aplicar estas modalidades de traballo a distancia e nos que só é factible a modalidade presencial son: vías e obras, policía local, conserxes, limpadora e auxiliares de axuda no fogar.

- En aras a garantir o servizo público esencial de Rexistro e Información e Atención ao público, no Servizos de Rexistro xeral e atención ao público e Urbanismo traballarase presencialmente por quendas, en turnos rotatorios, de xeito que un dos/as empregados/as públicos/as asistirá presencialmente ao seu posto de traballo e o/a compañeiro/a exercerá o réxime de traballo a distancia, atendendo éste telefónicamente e por correo electrónico ao público, dando as citas previas e desenvolvendo os traballos propios do seu posto de traballo que se poden desenvolver neste réxime. Nestes servizos debe estar sempre presencialmente un/ha dos/as empregados/as.

- Tamén se manterá a atención presencial no servizo de información e atención ao público dos Servizos sociais.

- O incremento dos días de traballo a distancia ou teletraballo deberá ser comunicado polo/a empregado/a público/a á alcaldía ou concellería-delegada competente ou responsable do servizo, con indicación do horario a realizar.

Documento electrónico asinado dixitalmente cuxa integridade garátese mediante cotexo na Sede Electrónica deste Organismo co Código de Verificación Dixital (CVD) especificado á marxe. (artigo 42.b da Lei 40/2015, do 1 de outubro, do réxime xurídico do sector público)



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

4. Vixencia

A presente Instrucción entrará en vigor o 28 de xaneiro de 2021, e estará en vigor ata terminará ás 00.00 horas do día 17 de febreiro de 2021, agas que o Decreto 8/2021, amplie a súa vixencia.

O resto das condicións de traballo seguirán a rexerse polas instruccións dictadas por esta alcaldía con anterioridade.

Este documento será obxecto de revisión continua, especialmente en atención ás obrigas e ás recomendacións que diten as autoridades sanitarias, e garantindo tamén a debida atención dos servizos públicos.

Así mesmo, se se produce unha variación nas circunstancias epidemiolóxicas da infección ou un rebrote da enfermidade, adoptariáanse as medidas oportunas ao respecto.

A presente instrucción será obxecto de difusión entre os/as empregados/as públicos/as mediante a súa notificación por correo electrónico corporativo e no Portal de Transparencia municipal.

Bergondo, 27 de xaneiro de 2021

A alcaldesa-presidenta

Alejandra Pérez Máquez